

ტელეკომპანია პირველის თვითრეგულირების კომისიის კრების ოქმი N 6

ქ. თბილისი
26 ივნისი, 2020 წ.

ესწრებოდნენ:

ნინო ციციშვილი - „ტელეკომპანია პირველი“-ს იურისტი;
გიორგი დარჯანია - „ტელეკომპანია პირველი“-ს მულტიმედია არხების ხელმძღვანელი;
ლევან კირვალიძე - გადაცემა „რეაქციის“ პროდიუსერი.

დღის წესრიგი:

დეკანოზ ანდრია ჯალმაიძის საჩივრის განხილვა.

მოსმინეს:

ნინო ციციშვილმა კომისიის წევრებს გააცნო საქართველოს საპატრიარქოს წარმომადგენლის, დეკანოზ ანდრია ჯალმაიძის საჩივარი, რომელიც ეხებოდა 2020 წლის 13 ივნისს, ტელეკომპანია „პირველის“ ეთერში, ნოდარ მელაძის გადაცემაში გასულ სიუჟეტს.

საჩივარი გამოგზავნილია 2020 წლის 19 ივნისს ელექტრონულ ფოსტაზე: info@tvpirveli.ge

კომისიის წევრებმა ტელეკომპანიის არქივიდან გამოითხოვეს მასალები, დეტალურად განიხილეს საჩივარში მითითებული სიუჟეტი და შეაჯამეს ფაქტობრივი გარემოებები.

ჟურნალისტიკის, კერძოდ კი საგამოძიებო ჟურნალისტიკის უმთავრესი მიზანია იმ ინფორმაციის დეტალური გამოკვლევა, რაც საჯარო არ არის და ამასთან წარმოადგენს საზოგადოებრივი ინტერესის საგანს. საჩივრის ავტორი უთითებს საჯაროდ ხელმოსაწვდომ ინფორმაციაზე, რომელიც ზედაპირზეა და მარტივად მოსაპოვებელი, თუმცა საზოგადოებრივ ინტერესს წარმოადგენს სწორედ ის ინფორმაცია და ის გარემოებები, რომელიც კითხვის ნიშანს შეიძლება აჩენდეს, აქ კი უმნიშვნელოვანესია ტელევიზიის როლი მოსახლეობის პრობლემის წარმოჩენასა და დახმარებაში.

ჟურნალისტს გააჩნია წყარო, ჰყავს ინფორმაციის მოძიებები და მათგან მიღებულ ინფორმაციას ამოწმებს იმ გზით, რაზეც ხელი მიუწვდება. ჟურნალისტი ცდილობს გამოაჩინოს შესაძლო დანაშაულის კვალი, შესაძლებლობის ფარგლებში გამოიძიოს ნებისმიერი ფაქტი, რაც იწვევს ეჭვს. ჟურნალისტს არ ეკისრება წყაროს დასახელებისა და მითითების ვალდებულება. იგი ინფორმაციას მოიპოვებს არაერთი წყაროსგან და შესაძლებლობის ფარგლებში ინფორმაციის სარწმუნოებისა და სათანადო გადამოწმების შემდგომ ავრცელებს. ჟურნალისტის მიერ მხოლოდ იმ ინფორმაციაზე დაყრდნობით საუბარი, რომელიც საჯაროდ მოიპოვება ან/და მხოლოდ ოფიციალური დოკუმენტაციით დასტურდება, სცდება ჟურნალისტური გამოძიების მიზანს და მეტიც, საერთოდ არასაჭიროს ხდის ჟურნალისტური გამოძიების ჩატარებას.

ყოველივე ზემოგანხილულიდან გამომდინარე, თვითრეგულირების კომისია ადგენს, რომ არ დარღვეულა მაუწყებელთა შესახებ კანონის, მაუწყებელთა ქცევის კოდექსის მოთხოვნები და ჟურნალისტური ეთიკის პრინციპები. ტელეკომპანია პირველს საჯაროდ აქვს გაცხადებული ადამიანის ძირითადი უფლებების და თავისუფლებების განუხრელად დაცვა და პატივისცემა მის სარედაქციო პოლიტიკაში.

თვითრეგულირების კომისია ასკვნის, რომ არ უნდა დაკმაყოფილდეს საჩივრი, ვინაიდან დარღვევებს ადგილი არ ჰქონია და ჟურნალისტები მოქმედებდნენ კანონის ფარგლებში.

ნინო ციციშვილი



გიორგი დარჯანია



ლევან კირვალიძე

